

SIGURECE

Cuistât de Fondazion Carigo e concedût in comodât di ûs de Ass2.

Un defibriladôr pe sede di Gurize

Pas impuartant indenant in fat di sigurece tal Centri polifuzionâl di Gurize, sede dal Lusinç de Universitât dal Friûl. Al pôl gurizan di Sante Clare dal Ateneu al è stât consegnât in comodât di ûs un dai 30 defibriladôrs semiautomatics donâts de Fondazion Casse di Sparagn di Gurize (Carigo) ae Aziende sanitarie 2. La iniziative e jentre intal "Projet defibriladôrs" che par chel la Ass2, cui siei operadôrs, e proviôt, traviars dal cors

specific Bisd – basic life support defibrillation, a formâ i utents dai defibriladôrs e al garantis lis verifichis di sigurece e il supuart tecnic. La consegne dal strument si è fate in presince di Nicoletta Vasta, delegade dal retôr pal Centri polifuzionâl di Gurize (Cego), di Franco Loru dal Consei di indreçament de Fondazion Carigo, di Giovanni Cortiula e Debora Furlani, diretôr gjenerâl e direttore de strutture operative complesse Gjestion patrimoni mobiliâr e immobiliâr de Ass2. Inte stesse suaze a son

stâts consegnâts i diplomis al personâl dal Ateneu di Udin cun sede a Gurize che al à partecipât al cors di formazion Bisd di preparazion al ûs, in câs di dibisugne, di cheste strumentazion. La presince di defibriladôrs semiautomatics in lûcs coinvoltis di flus impuartants di personis al è simpri plui fundamentâl, calcolade la incidence medie dai câs di arrest cardiac. La direttore dal Cego, Vasta, e à esprimût "un ringraziament particolâr ae Fondazion Carigo pe donazion

previdente che e à permetût ae Asl dal Lusinç l'acquist di defibriladôrs di destinâ a istituzions publichis, tant che il nestri Ateneu". Il pront ûs dai defibriladôrs, presints dulà che al covente, ai pues ridusi di tant i decès par arrest cardiocirculatori. "I dâts – al à contât Furlani – a mostrin che si pues calcolâ un arrest cardiac improvvis par mil abitants par an: su la popolazion taliane di 58 millions di abitants, chest al vûl di 50-60 mil câs ogni an". Di bande sò Cortiula al à metût l'acent "su la



impurtance de difusion dai defibriladôrs e de formazion cualificade dai socoridôrs, che a rapresentin vuê la uniche strade par otignî risultâts di miorament concrets, stant che un intervent momentôs e zovevul intai prins dis minûts al cres lis probabilitâts di riprese e al limite i dams".